


清會典

一百三十四五

兵部二十四五

漢書
九〇八號



漢書門			
九〇八	函	號	類
一六〇	冊	架	冊

內閣文庫		
九〇八	函	號
一六〇	冊	架

內閣文庫		
番號	漢	908
冊數	160(	83)
函號	295	10



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



會典

卷一百三十四

兵部職方司

選陞通例上

國家因時制宜。量地授職。進退黜陟之間。咸有已行之成法。故於推陞之外。復載通例。凡選授考驗分缺題補之事。皆備列焉。

凡選授。順治十年。題准。職方司。每兩月一選。武選司。每三月一選。○康熙元年。題准。兩司選期。俱改雙月。兵部官會同科道。於十四日。驗封名缺籤。十五日起。

天安門外。兵部堂官。掣名籤。科道官。掣缺籤。○三

年。是准。除現任推陞官員。仍令兵部科道官代  
掣籤外。其選補各官。俱令親掣。○又題准。雙月  
二十五日。遇有副將以下。都司僉書以上。缺出。  
將候補官。及投誠等官。各分一半兼用。守備以  
下各官缺出。將初選之投誠官。武進士舉人。咨  
送年滿千總。考用効勞部劄守備等項兼用。其  
推補時。將現在投供點卯者。盡行擬出。照依人  
數。封定缺籤。空籤。令其掣補。如初次選補未完。  
下次封籤後。令其先掣。單月二十五日。遇有缺  
出。於現任應陞官員內。較考語俸次。照缺陞補。

其候選候補大小各官。於單月初一日。投供。初  
三日點卯。至雙月應擬選補時。兵部會同科道  
官公擬。二十四日。公驗封籤。其大選官員之缺。  
於二十五日。在

天安門外。兵部會同科道官籤補。推陞官員之缺。  
於單月二十五日。在兵部衙門。會同科道官籤  
補。如掣籤不到。照規避例題。叅革職。○七年。題  
准。凡初授官員。及推補副將以下官員。在京守  
候。驗到者。註冊先用。投結不到者。各令在籍候  
推。送授之後。移劄該督撫。取地方官印結。給與

太官。遵限勒催赴任。如直省候選各官內。有病故罪廢等項。該督撫查核。預行報部。如遺漏不報。或俟部選寄劄後始報。或被他人假冒領劄者。事發。將督撫併該地方官議處。○又題准。停止會同科道掣籤。○十一年。題准。候選候補各官。俱於單月初一日。投供。初三日。點卯。照文到先後。於雙月二十五日。掣籤。如有衰老病廢者。兵部於過堂時。驗明。以原品勒令休致。○又議准。單月推陞缺籤。兵部代掣。雙月大選缺籤。各官親掣。其每月截缺。二十日以內所出之缺。給

與本月之人。二十一日以後所出之缺。留與下月之人。○四十年。題准。十二月分大選官員。俱改於次年開印後掣籤。○六十一年。覆准。月選遇副叅遊都守缺出。內有陝西官員。及現在出兵官員。應行推陞者。不必令其掣籤。即加銜一等。仍留原任。其缺即將接次應陞之員掣補。凡考驗。康熙十年。題准。候選候補副叅遊都守官員。於單月初六日。考驗弓馬。堪用者。註冊補用。不堪者。以原品休致。如効力行間。立有軍功者。不在此例。○十四年。題准。考驗各官。止用步

箭。中二箭以上者。註冊選授。不合式者。准其再  
 考。至三次不合式。以應得品級休致。○又題准。  
 陣亡官員子弟。免其考驗。附入功加項下選用。  
 其餘候選各官。仍照例考驗。三次不合式者。停  
 其休致。准令再考。○雍正元年。題准。雙月單月  
 營衛選補官員。於每月掣籤後。本部公同考試  
 引

見。其未掣籤以前。停其考試。至衛所各官。有錢糧之  
 責。并須查伊祖父。有拖欠錢糧案件者。扣缺不  
 用。俟所欠錢糧完日。查明再補。○又

諭。武職人員。原因騎射而得功名。當以弓馬之優劣。  
 為授官之先後。如部發外省年滿千總。向來挨次  
 補用。不論騎射之優劣。伊等以為名次既定。補授  
 有期。不復以弓馬為事。何以勵人才而資實用乎。  
 嗣後發往年滿千總。令督撫確加考驗。騎射優者。  
 先行題補。劣者令其學習。不按名次以為先後。庶  
 武弁皆知勉力。騎射不至廢弛。

凡武進士選授。順治三年。題准。武進士一甲一  
 名。授叅將。二名。授遊擊。三名。授都司。二甲。俱授  
 守備。三甲。俱授署守備。○十二年。題准。武進士

一甲一名起。合計一百名止。由職方司選授。其餘由武選司選授。○康熙十一年。題准。一甲一名。授叅將管叅將事。二名。授遊擊管遊擊事。三名。授署遊擊管都司僉書事。二甲。俱授守備管守備事。三甲。俱授署守備管守備事。自一甲一名起。前一半。選授營缺。後一半。選授衛缺。○二十九年。題准。武進士中式後。兵部請

旨。交管侍衛內大臣。帶領引

見。挑選侍衛。○四十八年。題准。直隸各省千把總。年滿千總。中式武進士者。另班照例以營衛守備

推用。○五十一年。

論。考取武進士。除選侍衛外。其餘補叅將遊擊守備等員。俱有整飭營伍之職。未登仕前。不知事宜。仕後安有裨益。今歲武進士。勿令回籍。分撥八旗。交與護軍統領。演習騎射。教以儀度。如遇隨圍。給與馬匹錢糧。每進士一名。月給銀三兩。有患病告假。丁憂終養等項。仍照例給假。其才力不及者。教習官題叅斥革。優長者。不拘科分名次。卽行陞補。平常者。三年滿日註冊。俱令歸籍。候缺補用。○六十一年。題准。八旗漢軍武進士。武舉。凡遇有揀選之處。將漢軍武舉。與

漢武舉一體揀選註冊。遇門衛千總缺出。分班挨次推用。再漢軍武進士。與漢武進士。亦照伊科分。一體挨選。前一半。以營守備用。後一半。以衛守備用。○雍正元年。

諭。武進士免其教習。○二年。覆准。衛守備之缺。已經裁減。應將後一半之武進士。再分十五名。以營守備用。於雙月營守備各班之末。另立一班推補。○五年。

諭。一甲一名。授為一等待衛。二名。三名。授為二等待衛。二甲挑選十名。俱授為三等待衛。三甲挑選十

六名。俱授為藍翎侍衛。嗣後永為定例。○又

諭。前科武進士。大半皆授為侍衛。其餘挨次俱得選用。今科武進士。朕恐其多選侍衛。反不能盡心學習。所以揀選侍衛者甚少。但伊等未得一時錄用。置之閒散。殊為可惜。今特廣為加恩。將未選侍衛之滿洲蒙古進士。授為藍翎。交與領侍衛內大臣。効力行走。漢軍進士。交與該旗。以驍騎校補用。其餘有人材可用者。分發各省。賞食千總俸。著該督撫提鎮試看。如果効力勤謹。漢仗去得者。著以守備題補。

凡功授世職。康熙九年。題准。綠旗武官。有軍功奉

旨優敘者。酌議題請給授世職外。有加至左都督。又立軍功議敘加級者。紀功存案。積至加四級。授一拖沙喇哈番。○十一年。題准。加至左都督無可加之級者。紀功存案。積至八次。授一拖沙喇哈番。

凡功加選授。順治初。題准。經制千把總。及無職任効用官員內。有因功加至府銜。并副將署副將者。以遊擊缺用。加至叅將署叅將。遊擊署遊

擊者。以都司僉書缺用。加至都司僉書署都司僉書。守備署守備者。以守備缺用。加守備以上各官。如係未補千把總者。咨部照功加官例用。○康熙十一年。題准。已補千把總。功加守備職銜以上。不論千總把總俸。俱照功加例用。現任把總銜大者。仍拔補千總。其功加千總。准補營千總。至功加各官。咨部選用時。原領劄付。令本弁赴部親繳。如不將原劄親繳者。不准註冊。○二十四年。題准。功加遊擊守備等官。有因人多壅滯。願告降千把總者。俱准降選。○二十五年。



大清會典 卷一百三十四 七  
題准。功加人員。惟經制員缺。及部劄有名者。仍照例錄用。其餘一概不准。○三十三年。覆准。凡功加人員。保題保咨錄用之例。俱行停止。○三十八年。覆准。征戰議敘。功加署守備各員。無力赴部候推者。准其降補千總把總。遇有該省千把缺出。與曾有勞績之領旗兵丁。相兼錄用。○四十四年。覆准。功加人員。無論年遠年近。俱令其取本地方官。及里族鄰佑印甘各結。或取同案現任功加人員印結到部。准其註冊推用。○四十五年。

諭。征爐立功把總人員。俟有守備缺出。與揀選年滿千總。一體引見。○四十九年。覆准。功加人員。該部咨行各督撫提鎮。查明給咨。并造實在年貌清冊。令其親賚到部。驗明。方准推用。○五十年。題准。現在兵部投供掣籤。未經引

見。及註冊各項功加人員。雖經督撫提鎮保送到部。與議敘功案查對相符。但歷年已久。恐有假冒。應將各項功加人員。暫行停用。一并发往該督撫提鎮查驗明白。若果係著有功績。年貌相符者。令該督撫提鎮。取具地方官印結。及同鄉鄰

大清會典 卷一百三十四  
佑甘結。并將該員久不赴部情由。一并查明。保題到日。與原敘功案查對。再行補用。○又覆准。功加守備。經各該督撫提鎮保題到部者。與臺灣三年俸滿註冊推用之千總。較人文到部先後。次序推用。○雍正三年。覆准。凡功加人員。令督撫提鎮。轉行該營協州縣。將該員三代履歷。年貌籍貫。并取千把州縣等官印結。分送部科存案。○又覆准。凡各案功加人員。令督撫提鎮。將該員有無功績之處。或領兵將弁。或同事現任官。出具印結。如有冒濫。將出結之員。照狗庇

例議處。本人。照假冒軍功律治罪。其從前冒濫之處。或據實聲明。或自行首告。概免究問。其應送印甘各結。及所造冊籍。俱限六個月完結。如出結各官。故意勒措。該督撫據實題參。○又覆准。凡功加應得遊擊都司者。照例雙月推用。功加守備一班。各附於雙單月十一班之末。雙月歸於無職任之功加推用。單月歸於經制千總把總功加推用。○又覆准。嗣後應用都司僉書之功加人員。照藍翎之例。准以都司僉書守備兼補。○又覆准。功加人員甚多。遊擊都司守備

不能盡補。遇該省有把總缺出。准其三缺內。將功加人員。補用一員。○又覆准。功加人員。既有職銜。不便令千把管轄。令該督撫提鎮。收入標下効力差操。給與兵糧。如果差操勤慎。給與外委把總名色。率兵巡防地方。以觀後效。倘有老病不任差操。題明給與半餉。養贍終身。再令督撫提鎮。會同考驗。分爲三等。其人材超羣。技藝純熟。或曾經血戰。帶有傷痕者。爲第一等。保題送部引

見。以應得之缺用。其候缺之際。或令侍衛上行走。或發巡捕營當差。其人材技藝。尙屬可觀者。爲第二等。造冊報部。以把總用。如能技藝精進。許其再行保題。送部引

見。以應得之缺用。其技藝尙須學習。營伍尙未諳練。可以保題者。亦許其再行保題。送部引

見。以應得之缺。可以拔補把總者。許其咨部拔補把總。至功加人員內現任之千把總。其有人材超羣。技藝純熟者。概不論俸。令其保題送部引

見。以應得之缺用。人材弓馬稍次者。千總六年俸滿。以守備補用。仍帶功加職銜。把總照常拔補千

總其人材弓馬不堪錄用者咨部註冊。

凡錄用投誠官。順治八年題准。投誠各官効力著功者。分別錄用。○十八年題准。該督撫於所屬投誠効用各官內。詳加選驗。有青年長技者。開造姓名履歷文冊。具題送部之日。本部查驗職銜。酌量籤補實缺。如有應留該省補用者。聽該督撫指名題請。有仍願在標効用者。聽有年老痼疾。願回籍歸農者。給與執照。移咨原籍該撫安插。○康熙元年題准。福建廣東雲南三省投誠官。與現任俸滿并候缺等官。分缺推用。○

三年題准。投誠各官。不得補福建廣東廣西雲南四省員缺。○七年題准。海上投誠官。如遇廣東浙江福建三省員缺。俱令迴避。○九年題准。海上投誠官。遇江南浙江廣東福建四省員缺。俱令迴避。其別省投誠者。不在此例。○十一年題准。凡不准題補省分投誠官內。如果立有功績。才技優長。弓馬嫻熟者。該督提等保題。令其赴部考驗。如與保題相符。准照投誠年月先後推用。如與保題不符。提督等照狗庇例議處。○又題准。投誠官內。有獻納城池。帶領官兵最多

功大者。於原銜外。酌量優加職銜。給與全俸。若帶領官兵不多。無大功者。仍給原銜全俸。帶領官兵少而無功者。降銜議敘。給與半俸。若隻身投誠。與勢窮來歸等官。有偽勅印劄可據者。副將以上。給守備職銜。叅將以下。給守禦所千總。及衛千總職銜。○又題准。投誠各官。總兵。照原銜以副將缺用。副將。照原銜以叅將缺用。叅將。照原銜以遊擊缺用。遊擊。照原銜以都司僉書缺用。都司僉書。照原銜以守備缺用。守備。照原銜以衛千總缺用。○又題准。投誠隨標効用官。

有呈請休致者。許以原品休致。○十四年。題准。軍前投誠官員。統兵大將軍將軍等。照功之大小。酌給劄付。遇缺可用者。卽酌量補用。仍行報部。○二十四年。題准。投誠官自投誠後。歷有功績。至加等加銜者。該督提具題咨部。驗明功績。人文到部之日。准以原銜。照功加例。註冊推用。免其考射。止有軍功紀錄者。不照此例。○又題准。海上投誠各官。遇近海員缺。俱准推補。停其迴避。

凡拔補千把。順治十一年。題准。各省千把總。聽

大清會典 卷一百三十四  
該督撫提鎮自行選委。如經制千把總內。有效力年久。征勦有功。題報紀錄在案者。令拔陞示勸。○十八年。題准。在外營千把總。俱係外委。未給部劄。故無品級。今定營千總。授爲正六品。把總。授爲正七品。給與部劄。各營千總缺出。令總督提督。於把總內選補。不得竟委白身人。把總缺出。於行伍內選補。造冊送部給劄。○康熙三年。題准。總督提督標下。外委効用白身人等。令選擇才幹。拔補把總。如有紀錄者。拔補千總。其行間功次。仍照把總例議敘。○十一年。題准。營

千總缺出。該督提鎮。於把總內遴選。把總缺出。務於在營食糧兵丁內。選擇才技優長。弓馬嫻熟者。補用。不許以閒散白身人選用。其選用千把總。報部請劄時。務將原劄繳部。如未經受劄者。止稱委署千把總。至千把總緣事應行斥革者。必須報部准行之後。方許離營。○又題准。提鎮標下効用人員內。有才技優長。弓馬嫻熟。亦得選用把總。功加守備職銜以上。給與部劄者。俱令赴部補用。不准以千把總調用。功加千總者。仍以千總補用。若提鎮將部冊無名之人。選

補把總者。降一級留任。該管官詳報提鎮補授者。詳報官降一級留任。提鎮罰俸一年。○三十九年。覆准。專城千把員缺。照各標營千把。選拔委用。所有武舉人等。仍准告降。隨伊等籍貫。分發於本省督撫提鎮標下効力。不時操演。俟其弓馬熟習。營伍諳練。在於本省專城及標營千把缺內。一例拔補。○四十二年。覆准。楚省本營之兵丁。卽補本營之千總。同伍同營。一旦居上。必致失馭。嗣後不拘何營缺出。將弓馬嫻熟者。籤補。○四十六年。議准。千總缺出。該督撫將分

發之年滿千總拔補。咨內須聲明曾否收標緣由。如有已經收標者。遇千總缺出。卽行補用。○五十年。覆准。凡發往各省標營効用之告降武舉。未經補用者。應行文各省督撫提鎮。復加考試。如果弓馬嫻熟。諳練營伍者。仍行間補。其餘仍送兵部原班註冊錄用。其武舉告降之處。永行停止。○雍正三年。覆准。嗣後本營兵丁。不許拔補本營千把。同城者亦不准行。○四年。

諭。從前令各省督撫提鎮。將伊本標弓馬嫻熟。漢仗好人。去得之千總。保送來京。今所保來者。將已用

完。著兵部再行文各省。令其照前再各保一員送來。但從前所保送之內。亦有年幼人平常者。今見保送之員。得以擢用。則此次保送。蓄私而徇情受賄者。必更多矣。况前次所下之旨。如千總不得其人。准於把總兵丁內挑揀。卽補放千總保送。是合營伍之內。俱得挑選。豈無其人。若今次仍有以平常及年幼之人保送者。著將保送之該督撫提鎮。一并議處。○五年。

諭。向例千把總。俱由督撫提鎮拔補。往往以其家人私自効力。請托夤緣之人補用。徇情面而無公道。

以致老弱不堪之人。得授千把總者甚多。其所管汛地道路之遠近。俱茫然不知。而兵丁內。年力精壯。技勇可觀者。轉不能得一官職。甚爲可憫。此朕所深知者。千把總職掌。關係營伍。有稽查汛地。管束兵丁之責。又爲營伍出身之途。若聽其因循冒濫。何以整飭戎政。鼓舞兵心。今定半年限。令該督撫提鎮。將所轄千把總內。除曾經効力。久歷行伍中。尚堪任使之。人外。凡有老弱不堪。不能稱職者。秉公細加看驗考試。盡行沙汰。不可姑容一人。卽其中有沙汰甚多者。朕亦寬其已往。不究其向來。



姑容之罪。其所沙汰之缺。務將兵丁內年力精壯。技勇可觀之人。從公選擇拔補。不得仍蹈故習。俟半年限滿之後。朕當再降諭旨。或於本省布按大員內。派人查看。或特差部院京堂大員。前往查看。如各省千把內。仍有老弱不堪。不能稱職之人。則該督撫提鎮。有何顏面對朕。卿等當自忖也。○又論本營兵丁。不許拔補本營千把。實有未便之處。蓋兵丁平日所管汛地。其情形險阻。素所深知。及用爲千把。諸事有駕輕就熟之益。若用往他處。則初到之時。一切茫然。必待學習而後通曉。此辦理公

事之當籌及者也。至於微員末弁。安土重遷。盤費居止。措置匪易。若令調換至數百里外。必至拮据艱難。有家室之累。此私情之當籌及者也。朕思若以本營之兵丁。卽爲本營之千把。誠不能免於牽制瞻徇。若同城之中。更換營頭。如係左營。則用爲右營。前營。則用爲後營。又如鎮標撫標之同城者。亦可互相更換。如此。庶於公事有益。而於私情亦便。其地方只有一營者。或應於就近調補。或仍照從前舊例。以上諸條。如何方爲妥協。該部定議具奏。朕辦理天下政務。惟期事事妥協。人人均受其

大清會典 卷一百三十四  
其  
益。至於前後互異之名。朕所不辭。將此諭曉中外知之。遵

旨議定。嗣後除本營兵丁。仍不准拔補本營千把外。其督撫提鎮本標下。如左營兵丁。拔補右營。前營兵丁。拔補後營。千把。俱准拔補。或各標協營。同城互相更換。亦准拔補。至於獨營地方。千總。有左哨右哨之分。把總有頭司二司之別。令該督等。隨地酌量。如無隣近營汛。可以調補。卽於本營左哨右哨。及頭司二司內。彼此調拔。

凡外委千把。雍正五年。覆准。各營設立外委千把。須照依兵丁額數拔委。各營中。額兵二百名。設外委把總一名。每兵四百名。加外委千總一名。多者以次遞加。務令秉公選擇。不得冒濫。仍報明督撫提鎮驗看。給與劄付。於歲底造冊報部。如能巡防勤慎。令該督撫提鎮。遇有經制缺出。卽行拔補。倘有怠惰偷安者。卽行斥革。如有生事擾民等情。該管各官。亦卽詳報該管上司。卽行革除。照所犯之罪。按例治罪。如該管各官。不行詳報。被督撫提鎮察出題叅。將該管官照狗庇例議處。

凡咨部千總。順治初。題准。外委千把總。以受劄之日算俸。年滿咨部選用。其咨部時。務將原領劄付。令本弁赴部親繳。推補之時。將以前紀錄功次。俱行銷去。至經制千把總。六年以上。無紀錄功次。五年以上。有紀錄功次者。俱以署守備用。五年以上。無紀錄功次。四年以上。有紀錄功次者。以署守備用。署守備管守禦所千總事用。四年以上。無紀錄功次。三年以上。有紀錄功次者。以守禦所千總用。三年以上。無紀錄功次。及三年以下。年。半以上者。不論有無紀錄功次。均以衛千總

用。○十八年題准。千總把總。品級既分。把總不准照前例咨部推用。其千總年滿咨部者。仍照舊例推用。○康熙七年。題准。外委千總。五年以上。有紀薦。六年以上。無紀薦者。仍以署守備用。其五年以下。千總陞衛所千總之例。概行停止。○十一年。題准。五年以上。千總選用時。所有紀錄銷去。六年已滿。千總選用時。所有紀錄。仍准隨帶。○十四年。題准。千總五年以上。未滿六年者。選用時。銷去軍功紀錄一次。○二十五年。覆准。把總陞千總員缺。概行論俸陞轉。○二十九

大清會典 卷一百三十四  
年題准。各直省督撫提鎮。將各營千總。歷俸五  
年以上。有紀薦。六年以上。無紀薦者。照例給咨  
赴部。員缺另行挨補。督撫咨送遲延者。照  
欽部事件違限例議處。其督撫提鎮等。將年滿千總  
保咨留任者。俱不准行。○四十三年。

諭。年滿千總內。直隸。山東。河南人。著以陝西。山西省。守  
備分用。陝西。山西人。著以直隸。山東。河南省分用。福  
建。江西。江南。浙江。廣東。湖廣。著調省分用。福建。廣東  
人。深識水性。諳練船務。將伊等於沿海水師營分用。  
其餘省分。亦著調省分用。○又

諭。年滿千總等。俱係朕親身逐一詳問分別。此內亦有  
步箭好者。亦有馬箭好者。亦有出兵効力功加者。或  
騎射雖不及。亦皆有傷痕。俱係可用之員。伊等到時。  
將現任守備內。有年老衰弱。騎射不堪者。著一面卽  
行革退。將伊等隨卽擬補奏聞。免其引見。如過三年。  
仍照常引見。若無可用之缺。著分發各處。食額外千  
總俸候補。朕特頒恩。越例補用。若有不肖之徒。不操  
練兵丁。不勤勉効力。貪酷者。照常例加倍治罪。○四  
十三年。

諭。記名年滿千總。著給與守備俸。再考試時。揀選一二

大清會典 卷一百三十四  
等者。著亦照伊等食俸。○四十五年。覆准。各省年滿千總。遇有千總缺出。先行補用。遇有守備缺出。卽照補用千總之先後。補授守備。○四十六年。覆准。閩省內地千總缺出。單月。將澎臺俸滿把總拔補。雙月。將分發年滿千總拔補。如澎臺各營無年滿之員。不論雙單月。概將分發年滿千總補用。澎臺各營千總俸滿。送部員缺。仍選擇內地千總調補。○四十七年。覆准。營千總缺出。將部發年滿千總。與營弁武舉輪補。○又

論。各省督撫提鎮。起送年滿千總內。如有在軍前効力

者。將効力之處聲明。無効力者。或熟練營務。或騎射兼優。或居官有聲。俱將各情由聲明。保送到部。日俱著引見。○四十八年。覆准。分發各省以守備補用之年滿千總。遇有千總缺出。暫補千總。俟應題補地方守備缺出。仍具題補授守備。○六十一年。題准。揀選留京食俸候缺之營千總。按坐名題補省分。計缺之多寡。分發一半。交督撫提鎮。遇坐名之缺。卽行題補。將次用完。再請續發。其未發留京者。仍歸月選補用。○雍正二年。

論。年滿千總保送時。將伊練兵如何。弓馬如何。人之

賢否。著督撫提鎮。出具考語保送。○又題准。各省督撫提鎮。保送千總時。先行詳查。如有拖欠錢糧者。不得保送。

凡分缺。康熙四年。題准。守備缺出。候選候補各官。以裁缺改補爲一項。還職降調爲一項。武進士爲一項。年滿咨部千總爲一項。因功給部劄爲一項。効勞爲一項。投誠官爲一項。共分七項。均擬籤補。○七年。題准。如遇八缺。以六缺均分六項之人。以二缺選武進士。如遇十缺。以六缺均分六項之人。以四缺選武進士。○三十三年。

覆准。雙月守備缺出。以七項輪流推用。今招民卽用守備人員。應另立一項。分爲八項推用。以署守備管守備事註冊。俟考後合式。於雙月守備員缺。輪流推用。○又覆准。守備缺出。以八項人員。輪流推用。但年滿千總一項。人數甚多。候缺甚難。其投誠一項。並無候缺人員。嗣後投誠一項。應將年滿千總推補。若有投誠之人。仍以投誠推補。○四十三年。題准。裁缺招民二項。現在無人候推。應將此二缺。亦添給與年滿千總。挨次推用。如裁缺招民二項有人。仍歸此二項。

推用。○四十六年。覆准。凡營千總缺出。補一年滿千總。間補一營弁。又補一年滿千總。間補一武舉。○四十七年。覆准。閩省內地。遇營千總缺出。一缺。先補一年滿千總。二缺。補一臺澎俸滿把總。三缺。間補一營弁。四缺。又補一年滿千總。五缺。又補一臺澎俸滿把總。六缺。武舉功加人員。相間輪補。如無臺澎俸滿把總。則將營弁借拔。如無功加人員。則將武舉儘補。○四十九年。題准。十缺內。裁缺。還職。招民。三項。現今無人推補。應將先用續用之千總。暫入於此三項內借

補。若此三項有人之時。照常推補。其先用續用千總。用完之日。將分發八旗統領當差千總。入於此缺。照人文到部日期。挨次推用。○雍正元年。覆准。各省守備缺出。除廣東等七省。題補地方。仍照舊例。歸於分發千總。其餘各省。雙月部選缺出。十缺之中。以三缺歸於分發千總。四缺歸於巡捕營當差千總。二缺歸於武進士。一缺歸於難蔭捐納人員。分缺補用。單月各省部選缺出。十缺之中。四缺歸於分發千總。四缺歸於巡捕營當差千總。一缺歸於無任可到。捐陞。兩

項人員分缺補用。一缺歸於現任小銜守備。論俸推陞。再藍翎一項。係都司守備兼用之員。每單月都司守備缺出。先用藍翎一員。一年止用五員。其所得守備之缺。於當差千總班內扣算。凡隨征官給劄。各省督提鎮標。隨征効力各官。有軍功者。至五年具題。給以千總劄付。銷去紀錄一次。所餘紀錄。仍准隨帶。

凡補授提塘。各省提塘缺出。該督撫於聽用人員內。選擇咨部頂補。○康熙六十年。覆准。各省提塘缺出。限部文到日。該督撫提。卽行揀選合

例人員。送部頂補。如不速行送部。將該督撫提題叅。照遲延事件例議處。如揀選人員。領文不卽赴部。在路逗留者。亦照赴部違限之例議處。凡停陞。康熙十年。題准。地方失事武職各官。經督撫提鎮題叅。科抄到部。卽行停陞。提問發審者。不候事結。亦停陞選。若科道官糾叅。及督撫提鎮題叅。係因公註誤。或被人訐告等事。雖議覆未結。遇有應陞之缺。不停。如掣籤尚未具題。有以失事題叅到部者。亦停陞轉。○十一年。題准。地方失事武職。被督提鎮題叅。揭帖到部。卽



大清會典 卷一百三十四  
行停陞。如無揭帖者。仍以科抄到部停陞。至督提鎮特疏糾叅各官。揭帖到部。亦卽行停陞。如無揭帖者。亦以科抄到部停陞。

凡開缺。督撫提鎮糾叅貪酷官員。或應革職提問。或應解任聽勘者。俱開缺銓補。一應外官。如奉

旨提解來京。併別部提解質對。及此省官員。發彼省質審訊問者。俱行開缺。如本省內所屬官員。有質審訊問情節者。不行開缺。

凡補缺。武職選補之後。或遇前任官員留任。或行至中途。或至新補地方。未經到任。卽遇員缺。奉裁。無任可到等官。領文赴部。將原劄繳驗。隔一選。卽行補用。

凡兼銜。康熙四十二年。題准。凡小銜副將。奉

特旨補授總兵官者。照例兼銜給劄。其原銜係叅遊都守。亦加副將銜。至小銜總兵。奉

旨補授提督者。亦照此例。兼副將銜。○雍正三年。題准。嗣後藍翎四等待衛。補授外任者。兼署都司僉書銜。

大清會典卷之一百三十四

大清會典卷之一百三十五

兵部職方司

選陞通例下

凡題補官員。順治十一年。題准。各省督撫題補員缺。必擇智勇兼備。品職相近。俸薦相當者。具題。不得越等濫用。及以聽用隨征等項。坐補實缺。如有徇情題補者。兵部具疏題叅。○十八年。題准。各省督撫叅報降革病故。及應休致各官。即將本省才勇堪用。俸滿三年。銜缺相當之官。於疏內一并題補。如無堪用官員。亦於疏內題明。部推之後。方行題請者。槩不淮行。其福建。廣

東。廣西。雲南。貴州。江南。浙江。四川。湖廣。江西等處。如果有人地相宜。仍應留任之官。須在歷俸未滿三年之前。具疏題留。如不預先題留。待俸滿推陞後。方請留任者。亦不准行。至直隸。山東。山西。河南。陝西。地方。不准題留。○康熙四年。題准。福建等十省武職各官。題請留任。槩行停止。○十一年。題准。廣東。福建。浙江。江南。雲南。陝西。六省。近海沿邊員缺。及四川松潘營。漳臘營。小河營。平番營。疊溪營。建昌鎮。會川營。寧越營。冕山營。越嶲營。化林營等各營缺出。許該督提以

才技優長。諳練地方。銜缺相當。人地相宜之人。保題請補。若有冒濫。俱照狗庇例處分。部推後方題請者。不准。○十九年。題准。各省將軍督提鎮等。違例坐名保題者。各降一級留任。○三十年。題准。臺灣澎湖副叅遊守等官。照文職例。於本省各營現任內。品級相當。熟悉風土之員。題補。千總員缺。咨部調補。不筭前俸。三年滿日。照例陞轉。○三十一年。覆准。河營官弁。照文職例。以熟習諳練河工之員。坐名題補。○三十二年。覆准。各省督撫提鎮。將署守備。坐名題補守備

者。俱准以守備管守備事。○又題准。古北鎮屬各營路將弁缺出。以熟諳地方。銜缺相當之員。選擇題補。○又覆准。廣西思恩副將標下二營。及泗城副將標下二營。并安隆營。上林營。鎮安營等五處守備缺出。該提督會同總督。將廣西省年滿送部註冊候推守備之千總內。揀選題補。○三十五年。

諭。臺灣總兵。澎湖副將。員缺。著於該省現任總兵副將內。論俸調補。三年滿後。仍回原任。調補完日。再行奏請。○三十六年。題准。大同地方緊要。鎮標中營遊守

等官。該鎮將別省官員。并在部候推之人。坐名題補。○三十七年。題准。陝西沿邊地方武職官員。及督標員缺。俱屬緊要。果係居官素優。該督等保題引

見。准其越陞一二等。若越陞三等以上者。不准。○三十八年。題准。滇省地處極邊。照陝西例。准其越陞一二等題補。○又

諭。廣東提標員缺。准照沿海之例題補。○三十九年。題准。廣西猺獞雜處之地。遇有武職官員缺出。就近於廣東遴選才能。照缺題補。○又題准。鎮筸

大清會典 卷一百三十五 三  
係湖廣要地。從京補授官員。未免遲延。凡鎮守  
營遊擊守備缺出。准將現任湖廣武弁題補。○  
又覆准。福建水師提標。南澳等十四營。副叅遊  
守缺出。照例於本省各營內揀選題補外。倘揀  
選不得其人。於附近浙省內。有熟習水性。諳練  
船務。才技優長之員。准其會同督撫。陸路提督。  
保題調補。又。凡水師把總缺出。於本營戰兵內。  
選擇熟習水性。善於步射者。拔補。○四十年。

諭。四川地方緊要。武職員缺。不可久虛。副叅遊守千總  
等官。著該督於川陝兩省內。或將現任官。或應陞官

員。不准越次揀選。一。面調補。令其赴任。一。面具奏。俟  
事平後補行引見。○四十二年。題准。近海沿邊缺出。  
該督撫提鎮。將才技優長之員。題請引

見補授。若係小銜副叅遊都守。仍照推陞例。准其加  
銜。其各省題補官員。未經俸滿題補。陞缺不陞  
銜。如有軍功加級紀錄。准其銷去加銜。○又覆  
准。湖廣鄖竹。荆襄。施荆。遠安。德九。永長。衡岳。澧  
洞庭。及督撫提鎮標。遇有將備缺出。暫令督撫  
提鎮。不論省分。各舉所知。保題引

見補用。俟三年後停止。○又覆准。水師行伍。衝冒風

浪防勦機宜。所關重大。必須才力諳練精壯。方堪勝任。嗣後水師缺出。除有真知灼見之人。仍照例保舉補授。倘乏邊海幹才。卽於記名人員內請

旨補授。○四十三年。覆准。貴州都勻。銅仁。威寧。黎平。四府。大定。平遠。黔西。三州。武職員缺。及貴州提督標下四營員缺。俱准提臣會同督臣。將久任熟悉風土。銜缺相當之人。揀選坐名題補。照例送部引

見。○四十五年。覆准。貴州省副叅遊都守缺出。將雲貴二省內武職官員。該總督等揀選具題補授。○四十七年。覆准。陝西。雲南。貴州。三省。福建水師一十四營官員。俱准越銜題補。但伊等旣係越銜題補。又照伊所陞之缺。陞用。則陞轉太優。嗣後越銜一二等題補之人。奉

特旨揀用外。其陝西。雲南。貴州。三省。福建水師一十四營官員。越銜題補者。仍照伊原任品級。與應陞之員。較俸陞轉。○又覆准。副將以下。應題補地方官員缺出。俱停陞選。行文該督撫提鎮。於文到十日內。令其題補。仍計程途。照例扣限。其

告病告老病故丁憂等缺該督撫提鎮一百題報。一百即將銜缺相當賢能應題之員亦於十日內題補。若無應題之人。卽於題報疏內一併聲明。照例掣補具題。若不同時題補。或逾題補之限。或於已經補人之後始行題補者。雖或合例。槩不淮行。○又覆准。應行題補省分。如違例越銜題補者。不淮行。不應題補省分。永停題補。○四十八年。題准。福建陸路應行題補營分。照水師事例。一體越銜保題補用。○又題准。福建廣東二省武進士舉人。生監。或兵民人等。有熟

諳水性。練習水師事宜。願隨官兵出洋巡哨効力者。該督撫預先列名咨部。果能擒賊立功。該督撫查明保題。引

見敘用。○四十九年。題准。浙江定黃溫三鎮。遇有水師遊守千總缺出。如陸營內。查有諳練之員。卽行題補。如無諳練之員。照常揀選題補。○又題准。浙江定黃溫三鎮遊擊缺出。卽於通省守備中。准其越銜一二等。揀選諳練水性之員題補。○又覆准。閩省延建邵汀四府將弁。原非題補之缺。但分發本省年滿千總人多。沿海地方缺

大清會典 卷一百三十五  
少嗣後四府守備缺出將現在分發年滿千總一體簽補俟補完之日仍歸部選○又覆准廣東沿海缺出照福建陝西雲貴之例就守備中揀選諳練水務之員越銜一二等題補○五十年。

諭嗣後由侍衛記名人員補授或調補者逾二年後再將名字進呈○五十一年。

諭直隸各省副將以下守備以上有人材敏達弓馬熟嫻之員各省督撫提鎮揀選保題引見○五十二年題准一應沿邊應題武職各官首重人材必身

力壯健曾出兵効力先行題補如無効力之人始較論資俸爲揀選保題之序遊守必歷俸五年副將必歷俸三年查明俸次題補如一鎮內無合例之員則通省各營內從公選舉如再無人則題請於奉

旨記名人員內揀選補授○又覆准廣西南太慶思四府武職員缺以桂平梧州潯柳五府現任熟習水土人地相宜之員調補三年無過照例推陞○五十二年覆准水師員缺令各督撫提鎮察屬員內深知水性之人虛公保舉仍令引



見。鑒其才品。本部記名。循序補授。○五十六年。覆准。川陝乏大銜之員。應照陝西越銜一二等之例。題補。至化林協所屬之黎雅。峽邊二營。永寧協標之左右二營。并所屬之建武。敘馬。龍場。大壩。馬邊。五營。又建昌鎮屬會鹽一營。俱在沿邊。與番蠻雜處。亦准照陝省邊缺之例題補。○五十七年。題准。凡記名人員。揀補陞補之缺。該省督撫提鎮。題請留任。槩不准行。○五十八年。覆准。松江府屬之川沙營。蘇州府屬之吳淞營。遇有叅守缺出。准將熟識水性人員題補。○六十一

年。覆准。嗣後武職副叅遊都守各官。仍照定例。內應題之缺。揀選銜缺相當者。題補。其餘督撫提鎮。歷年請增題補地方。一槩永行停止。送部之員。亦不必引

見。以後不應題補調補之缺。及有事故。并越銜保題者。將督撫提鎮。照狗庇例降三級調用。雖有加級。不准抵銷。○又覆准。嗣後督撫提鎮等。將本省之人。自千把歷任守備者。題補副叅遊缺。俱不准行。將題補之督撫提鎮。照違例題補之例。降三級調用。加級紀錄。不准抵銷。兵部月選推

陞官員亦照此例。不准陞授。○雍正元年覆准。雲南省地處極邊。副叅遊擊缺出。仍令該督撫提鎮照例將才技優長。熟諳邊土之員。越銜一二等。揀選題補。至守備員缺。於分發年滿千總內。揀選補用。○又議准。廣東等沿海省分。水師副叅遊都缺出。查武職冊內。有銜缺相當之員。令其照例題補。倘無銜缺相當之員。令該督提於不越次之小銜人員內。揀選具題補授。○又題准。閩省水師一十四營。俱係題補之缺。難得銜缺相當。熟習水性之員。嗣後水師應題各缺。

仍照舊越銜一二等之例。不拘本省生長之人。揀選題補。○又

諭。近年用兵以來。陝西武官。雖陞別省。不令其赴新任。仍留原任。實屬可憫。嗣後凡陞銜留任官員。遇有本省相當缺出。該督卽行題補。○又題准。直隸古北鎮所屬密協副將。薊協副將。昌平營叅將。鎮標中軍遊擊。喜峯口遊擊。古北口都司。薊州都司。山海路都司。鞏華城都司。居庸路都司。熱河守備等十二缺。請

旨簡補。○又覆准。嗣後河營守備缺出。仍於河營千

總內揀選熟習諳練河工之員題補。又奉

旨。河標遊都守備缺出。俱著該督保題補授。○二年。諭。朕命各省督撫提鎮。將所知官員保題。特為要缺。欲得賢員之故。今見凡陞往別省者。槩不肯令赴陞任。各欲留於本省。越次保舉題留者甚多。夫天下一體。豈得各分爾我。嗣後如係水師營緊要員缺。仍許題請以陞銜留任。倘所陞現係要缺。而所留之缺。並無緊要。一槩不許題留。○又題准。江南添設太湖營叅將守備缺出。令該督等揀選題補。○又題准。陸營將備千把內。有情願効力水師者。令其於每年出洋巡哨時。跟隨一同演習。果能熟習水性。准其陞補水師。○四年。覆准。嗣後三江礮州等缺。令該督提揀選通諳徭情。熟悉水性之員。題補調補。○又覆准。嗣後各省武職題補之缺。令該督撫提鎮。每年酌量缺之多寡。分別水師陸路。地方或繁或簡。將現在屬員內。有才守兼優。勤慎奉職。并熟習水師者。預先公同選擇。合詞保題。將職名咨送兵部註冊。俟有本省題補缺出。即將所保之員。照依銜缺掣

籤請

籤請

旨補用。至所保之員。有未經引見者。仍令其先行陸續來京引

見。除失察大盜革職留任。帶罪圖功效力之員。不准保題外。其有降級降職。住俸降俸。及承追督催未完案件者。於保題本內。詳悉聲明。請

旨定奪。○五年覆准。嗣後福建水師將備缺出。不拘本省籍貫。准其揀選題補。其餘陸路各官。及水師各營之中軍將備。並非專管水師事務。仍不准本省人補授。○又覆准。廣西省南寧府屬之上思營守備一缺。及太平慶遠思恩三府叅將

守備等缺。俱令該督等。將操防勤謹。熟悉風土。品級相當之員。揀選調補。五年俸滿。會核題報。照邊俸例陞轉。○又覆准。雲南元江一協。廣南普威。東川三營。副叅守備等官。照文職例。揀選調補。三年俸滿。保題到部。照邊俸例陞用。貴州長寨營官員。亦照邊俸例保題陞補。其黎平。定廣。二協。副叅守備等缺。仍令揀選送部引

見。○又

諭。各省武職內。俱有可用之人。因各省有題補不題補之分。則各員陞轉。遂有遲速之異。有題缺省分。

方濟會典 卷一百三十五  
十二  
諳練賢員。該督撫提鎮遇有缺出。揀選保題。陞遷甚速。其無題缺。及題缺無多之省分。卽有諳練賢員。亦必論俸陞遷。格於成例。每多遲滯。殊覺不均。嗣後無缺。并題缺無多之省分。行令各該督撫提鎮。秉公揀選。諳練營伍。操守廉潔。勤慎實力供職之員。將職名開列。具本保題。爾部註冊。以備朕揀擇酌用。其保題人員。候旨再行送部引見。

凡武職引

見。康熙三十七年。

諭。嗣後陞補叅將。將得缺之員。調來引見。○三十八年。

覆准。副將大員。無論會否引

見。坐名題補時。不拘年限。仍照常赴京引

見。叅將以下官員。坐名題補時。曾經引

見。未過三年者。停其引

見。已過三年。仍令赴京引

見。其推陞副將叅將內。除副將照常調取外。其叅將

曾經引

見。已過三年。亦仍調取引

見。未過三年者。停其調取。○四十一年。

諭。臺灣緊要地方。遠隔海洋。來往行走甚難。嗣後補放

副將等官。三年已滿。再行轉調。此間如有調來引見  
陞轉者。該部奏聞。○又覆准。各省督撫駐防將軍提  
督總兵官。若有保奏之人。隨本帶來引

見。○四十五年。覆准。凡提鎮等官。有奉

旨調取來京引

見者。行該督撫計程定限。給咨馳驛赴部。聽候引

見。仍將起行日期。預行報部。引

見後回任日期。亦行報部。○四十六年。

諭。運糧千總員缺。補放時俱著引見。○五十一年。覆准。

本年軍政為始。凡卓異武職官員。照卓異文職

例。令其引

見。○五十二年。覆准。水師營員缺。選擇題補。送部引

見。○五十四年。題准。各省武職官員。赴京引

見。守候人多。恐致曠日持久。嗣後武弁投文十日之

內。即考驗弓馬。奏請引

見。如

駕幸熱河。即按月帶赴熱河引

見。速催赴任。○六十一年。議准。嗣後在部投供候補

候選捐陞副叅以下。衛所千總以上。等官。及現

任論俸推陞題補調補引

見已過三年之副將。仍照例引

見外。其現任論俸推陞題補調補叅將以下。守備以

上。并引

見未過三年之副將。俱停其調來引

見。將劄票封發督撫提鎮。令其詳加驗看。如有年老

有疾。人材不及者。卽行具題。另行銓補。○雍正

二年。

諭。朕於補放官員。無不加意擢用。各省武職。有未經

見過者。著行文各省督撫提鎮。自副將以下。遊擊

以上。除曾經引見過外。將人材壯勇。聲名著聞者。

每省不過四五人。陸續輪流保送來京引見。○又

諭。各省武職送京引見者。應於通省官弁中計筭。一

次。不過四五人。陸續送來。其操守如何。操練營伍

如何之處。著各省將軍督撫提鎮送人來時。據實

密摺具奏。其戰陣有功之人。筋力就衰。長途跋涉

艱難者。停其來京。將本人整理營伍。操演兵丁。操

守如何之處。亦行據實密奏。再。陝西。甘肅。四川。雲

南。現今備兵。不必令來京引見。○又

諭。輪流引見各官。副將。著賞銀三十兩。叅將。賞銀二

十兩。遊擊。賞銀十兩。從前輪流引見人員。俱補賞

給。○又

諭各省副將以下遊擊以上官員輪流來京引見者。朕念伊等遠來。皆各賞與銀兩。其雲南貴州四川廣東廣西福建六省路途遙遠。與別省不同。著令馳驛前來。只須照常計程行走。不必過於急速。如有欲自備脚力。不願馳驛。各隨其便。○又

諭輪流到京引見過官員。若遇督撫有將伊等保題陞補者。兵部卽將會引見之處奏聞。○四年。

諭連年以來。朕令督撫提鎮等保送屬下武弁進京引見。若該上司奏摺內有某員操守平常字樣。朕

於召見該員之日。必將該上司所奏諭伊知之。冀其洗滌前愆。悛改故習。以圖後効。無非愛惜人才之意。乃間有不肖之員。於回任之後。以上司既有貶抑之詞。心懷怨望。遂與上司日漸參商。或又以平時操守不謹。旣爲朕所知。將來難望上進。遂志氣隳頹。見利忘義。此亦武人難免之情態。斷無有素日操守謹慎。而陞見之後。反改前操者也。凡督撫提鎮保送人員。朕不過觀其外貌技勇。遂分別補用。原不能知其存心如何。豈能保其將來。卽督撫提鎮等所保送之人。朕看來平常庸陋者亦多。



但伊等任內未嘗顯有過犯。該管上司。又未叅劾。朕亦姑且容留而試用之。至上司之於屬員。亦有先保舉而後叅劾者。或係屬員改操。前後迥異。或始初保舉時。出於情面。本非真實。故易至敗露。此等均未可定。嗣後該上司保送人員。務秉公心。勿存私意。倘伊等陞見擢用之後。改易前轍。卽當據實叅奏。勿謂朕曾擢用。有所瞻顧。勿謂己曾保舉。回護前非。總以大公至正。無偏無黨之心處之。則賞罰明而屬員知所勸懲矣。又如武弁陞見來京。朕念其貧寒。俱加賞賜。此乃格外之恩。若伊等不

知感恩圖報。回任之後。有過犯叅革者。除按律治罪外。著將賞賜之物。一併追出。以示懲戒。○五年。諭。千把總係微末之員。若來京引見。未免艱於路費。前朕已降諭旨。將千把總交與上司。加意甄別。嗣後若尚有劣員。該上司自難辭其咎。總河標下拔補千把。向來有送部引見之例。今著停止引見。

凡陞選具題。順治初。陞選各官。總作一本具題。○十八年。題准。副叅。遊。都等。分爲一人一本具題。○康熙九年。題准。每項分一本具題。

凡赴任違限。順治八年。題准。武職赴任。違限半

年以上者。革職。五個月以上者。降三級調用。四個月以上者。降二級調用。三個月以上者。降一級調用。兩個月以上者。罰俸六個月。一個月以上者。罰俸三個月。半月以上者。罰俸一個月。其無級可降者。革職。○十五年。題准。違限一月以內者。免議。一月以上者。罰俸三個月。○康熙十一年。題准。赴任在途。有耽延事故。及患病者。取具中途地方官印結送部。免議。○又題准。推補提鎮等官。自奉

旨之日爲始。定限一月內出京赴任。違限者。兵部題

叅議處。

凡領文赴部違限。舊例。候選候補各項武職。領文赴部違限。俱照赴任違限例議處。其途中患病。在限內。取有地方官印結者。免議。限外者。不准。

武會試

武闈會試。先考騎射。再試技勇。再較文藝。至詳至慎。茲將會試條例之隸職方者。備列於篇。而以

殿試傳臚附其後。至與鄉試事例相同者。已載庫司。不復重見。

凡場期。

國朝會試天下武舉。定於辰戌丑未年舉行。九月初九日。第一場。試馬箭。十二日。第二場。試步箭。十五日。第三場。試策論。○康熙二十三年。覆准。

會試於初六日筵宴。監射大臣等官。自初七日起。至十二日止。考射馬步箭技勇。十三日。筵宴主考知武舉等官。入簾。十四日。外簾各官編號。點名。十五日。考試策論。

凡中額。順治二年。題准。武會試中式。定額二百名。○十六年。

恩詔再行會試。取中一百名。○十八年。

諭。武會試取中三百名。○康熙三年。題准。取中一百名。○九年。

恩詔。廣額取中二百名。○十五年。題准。廣額取中一百

五十名。○十八年以後。定額中式一百名。○三十三年。覆准。武舉於頭二場合式後。試第三場策論。分編南北。將直隸。河南。山東。山西。陝西。定為北卷。取中五十名。江南。浙江。湖廣。江西。福建。廣東。廣西。貴州。雲南。四川。定為南卷。取中五十名。○五十二年。

諭。近見直省武進士額數。偏多偏少。嗣後考取武進士。著不必拘定額數。該部預行奏聞。朕計省之大小。定人之多寡。取中。○五十四年。題准。武會試兵部行文主考官。就八旗各直省。記明頭二場弓馬好字。

大清會典 卷一百三十五  
號卷內擇其佳者。照數取中。如不足額。仍照舊例取中足額。○雍正元年。覆准。嗣後武會試。外場所取好字號。皆令監射大臣。與監射御史。當面註定。較對明白。務於十一日全完。十二日卽將號冊親交兵部堂官。按冊印清卷面。并將號冊所註好字號。各就省分。謄清一本。俱用兵部堂印。送入內場。○又覆准。八旗滿洲等。亦照漢軍例。考取武進士四名。外場停其舞刀掇石。俱令射馬步箭。有能開硬弓。馬上熟練。樣式好者。令其入內場。編滿字號。照漢軍例考試。其

殿試亦照此例。

凡邊籍。康熙五十一年。題准。雲南。貴州。廣西。兵丁。已經中式武舉。既係邊兵。又係邊籍者。會試時。准其編邊省字號。如雖係三省邊民。却非三省邊籍者。會試時。必查入伍至十年以上。方准作邊籍。編邊省字號。若新募補額。未及十年。會試時。仍照原籍。編入南北卷內取中。不許編邊省字號。

凡起送。康熙十一年。題准。遇武會試年。預期通行直省巡撫。除武舉內選授。并丁憂事故等項。

不送外。其餘盡行給發。文批盤費。自六月十五日起。八月十五日止。赴部查驗真偽。給與執照入試。○四十八年。覆准。各營千把總。及年滿千總。併門衛所等千總。有通曉文義。願應武會試者。令該督撫提鎮。給咨赴部。年滿千總。在京候推者。令其自行赴部具呈。同武舉一體會試。亦於原額內取中。不中者。現任千把總。仍歸原職。年滿千總。仍候推補。其兵丁及千把總等。如鄉會試中式之後。有願歸職伍者。亦令其暫歸職伍。○五十一年。題准。兵丁中過武舉。會試不中。

令其就近歸營操演。俟會試之期。給文赴部。○雍正二年。題准。現任千把總。并門衛所千總。有願應武會試者。令該統領督撫提鎮。各給與文批。令其赴部會試。其年滿千把。在京候推者。臨期。兵部出示。令其自行具呈。

凡投文日期。康熙三十年。題准。各省武舉來京。如過九月初七日投文者。不准入試。○三十六年。題准。各省武舉來京。如過九月初五日投文者。不准入試。

凡監射官。兵部臨期密題。

欽遣大臣二員。○康熙二十八年。覆准武會試外場。欽遣內大臣都統與內閣大臣兵部。共同考試。

凡中箭合式。康熙二十八年。

諭。武鄉會考試。馬箭以中四箭爲合式。步箭以中二箭爲合式。不合式者。不准取。○又

諭。考試馬箭弓刀等項。俱已合式。或因步箭不中兩箭。卽爲不合式。不准入場。似爲屈抑。著確議定例具奏。遵

旨議定。嗣後武場會試時。除馬步箭開弓舞刀掇石合式。中兩箭者。仍照常准取外。或有步箭雖未中

鵠而射法精善者。亦准考取入場。○三十三年。

諭。武舉會試者。或有人材壯健。弓馬俱優。因未合式。不中。著兵部出示。有情願効力。情願復試者。令其具呈兵部。啓奏請旨。另行考試。揀選歸併火器營操練行走。下科照常考試。若有甚優者。卽行補用。

凡主考官。兵部臨期開列內閣。六部。都察院。翰林院。詹事府。漢堂官密題。

欽點正主考官一員。副主考官一員。

凡同考官。兵部咨取各部郎中。員外郎。主事。六科給事中。內。由進士舉人出身者。密題。

大清會典 卷一百三十五  
三  
欽點四員。

凡知武舉官。開列本部漢左右侍郎二員。密題。  
欽點一員。

凡提調官。開列本部滿漢司官。題請

欽點滿漢官各一員。

凡監試官。兵部咨行都察院。開送御史職名。密題。

欽點二員。○康熙五十三年。覆准。文武鄉會試場內。除巡綽營官。照常派出外。或叅將。或遊擊。添設一員。每翼派都統一員。副都統二員。同考試官

一體入場。彈壓舉子。漢人責成營官。旗人責成都統。三場試畢。令其出場。若管理不嚴。將該管官治罪。○雍正四年。題准。嗣後文武鄉會場。并繙譯場內。每翼止派副都統一員。叅領一員。旗員一員。與考試官一同進場。彈壓舉子。三場試畢。一同出場。

凡執事各官。兵部將掌卷。受卷。彌封。印卷。巡綽。搜檢。監門。供給等官。派定具題入場。

凡進呈策論題目。本部司官一員。齎捧恭進。揭曉日期。預行題明。至揭曉日。場內繕寫題名錄



大清會典 卷一百三十五  
恭進。○康熙五十四年。覆准。武進士題名錄。於  
考完時。業經呈

覽。其會試錄。停止刊刻。○雍正元年。覆准。武會試錄。  
照舊刊刻。

凡下第武舉。雍正二年。

特恩賞給落第武舉盤費銀兩。雲南。廣東。廣西。貴州。  
四川。武舉。每人賞銀十兩。福建。浙江。江南。江西。  
湖廣。陝西。武舉。每人賞銀七兩。直隸。山東。河南。  
山西。武舉。每人賞銀五兩。○五年。

諭。今科落第武舉。旗下直隸。密邇京畿。不必賞賜。其

各省落第武舉。每人賞銀四兩。



傳臚

凡武進士臚唱。行禮畢。贊禮官。贊舉榜。兵部官舉榜。由中路捧至。

午門前。跪置龍亭內。行三叩頭禮。鑾儀衛校尉舉亭。教坊司作樂。行至西長安門外。張掛於長安街。

賜給武狀元盛甲。諸武進士隨出觀榜。巡捕營備繖蓋儀從。送武狀元歸第。次日。在兵部


賜會武宴。

與文傳臚同者。詳見禮部

禮部

大清會典卷之一

兵部



文政三

